



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Broj: _____/19

Sarajevo, 30.10.2019.

Skupština Kantona Sarajevo

Vibor Handžić

Klub zastupnika Naše stranke

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
Skupština Kantona Sarajevo
n/r predsjedavajući Elmedin Konaković**

**Vlada Kantona Sarajevo
Ministarstvo saobraćaja Kantona Sarajevo
n/r ministar Adnan Šteta**

PREDMET: ZASTUPNIČKA INICIJATIVA

Poštovana/i,

na osnovu članova 106.i 213. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) upućujem sljedeću zastupničku inicijativu prema Ministarstvu saobraćaja Kantona Sarajevo, na koju molim da mi se dostavi odgovor u za to zakonski predviđenom roku:

1. Podnosim inicijativu planiranje i izgradnju bus stajališta za turističke autobuse i turiste

Obrazloženje:

Podnosim inicijativu za planiranje i izgradnju bus stajališta za turiste (tzv. drop off i pick up spots), koju bi pratilo i unaprijeđenje infrastrukture. Ova inicijativa je nastavak inicijative koju sam podnosio prije nekoliko mjeseci, a tiče se pronalaska lokacije za parking turističkih autobusa koji iskrcaju putnike i obično se parkiraju na nelegalnim parking prostorima oko Vijećnice.

Preko 90% turističkih grupa koje posjećuju naš grad, svoj obilazak starog jezgra kreću od Vijećnice, gdje se turistički autobusi zaustavljaju na malom proširenju za buseve, na izlazu iz grada. Taj prostor je potpuno infrastrukturno dekapacitiran za ovu aktivnost, jer pored ogromnih gužvi koje izaziva svako zaustavljanje autobusa, taj prostor je apsolutno i bez javnog toaleta, mjenjačnice, turističkog info punkta, mape ili bilo kakve informacije.

Trenutno, odnosno posljednjih godina, sa porastom turističkih posjeta našem Kantonu, stvaraju se ogromne gužve na istočnom ulazu u grad, kod gradske Vijećnice, gdje se turistički autobusi zaustavljaju, izbacuju turističke grupe i opet ih kupe na istom mjestu kada se završi razgledanje grada. Turisti trenutno ulaze i izlaze iz buseva na neuslovnim i improvizovanim stajalištima, često dolazi do totalne blokade saobraćaja, budući da se radi o veoma prometnoj i bitnoj saobraćajnici. Ovo je prije svega opasno je za turiste a i stvara se veoma ružna slika o gradu prilikom prvog susreta sa destinacijom.

Potrebno je sto prije prilagoditi, proširiti i unaprijediti stajalište za turističke autobuse u starom djelu grada, a po uzoru na mnoge turističke destinacije koje su ovaj problem već riješile (Mostar, Dubrovnik, Split). Potrebno je, osim fizičkog proširenja, zaustavne trake, planirati i infrastrukturna unaprijeđenja cijelog prostora: javni toalet, javna cesma, turistički info punkt, mjenjačnica itd.

Primjera radi, grad Dubrovnik iskrcaj/ukrcaj turista u buseve na ulazu u Stari Grad naplaćuje 800 kuna ili 110 EUR po jednom autobusu, bez da je to uopšte uticalo na pad posjeta. Ne treba ni napominjati da bi ova aktivnost, osim većeg zadovoljstva turista, mogla obezbijediti i dodatni izvor prihoda po ovom osnovu.

Ukoliko želimo da prerastemo u ozbiljnu turističku destinaciju, ovo su stvari koje se hitno trebaju rješavati.

S poštovanjem,

Vibor Handžić,
zastupnik Naše stranke u
Skupštini Kantona Sarajevo
